

在文川网... 入驻商家... 文川网... 古籍书城... 获取... 电子书

中國方志叢書·華中地方·第一〇二號


據清·曾國藩等修顧長齡彙編
清·同治七年刊本
影印

江 西 省

江西全省輿圖

(一)

成文出版社有限公司印行



10096887

420
2187
102111

69.70.25

中國方志叢書·華中地方·第一〇二號

據清·曾國藩等修顧長齡彙編
清·同治七年刊本
影印


江西省

江西全省輿圖

(二)

成文出版社有限公司印行

69/201/25
sk 104/09



中國方志叢書·華中地方·第一〇二號

據清·曾國藩等修顧長齡彙編
清·同治七年刊本

影印


江西省

江西全省輿圖

(三)

成文出版社有限公司印行

96 637/09



891



docsriver 文川网
入驻商家 古籍书城

在文川网搜索古籍书城 获取更多电子书

江國五音

樂圖

周禮卷之五
大司馬
大司馬之職
辨九牧之邦
辨九甸之邦
辨九采之邦
辨九衛之邦
辨九蠻之邦
辨九夷之邦
辨九鎮之邦
辨九蠻之邦

刊修江西輿圖序

江省北倚岷江南臨閩粵東連浙皖西控兩湖山則有匡廬庾嶺之奇水則有章貢彭蠡之險土物豐蔚人民秀良亦東南一都會也張文升文武庫曰江西古揚州地水陸四通山川特秀咽扼荆淮翼蔽吳越又曰玉山爲人浙之衝鉛山爲通閩之隘潯陽兼通吳楚吉袁密邇衡湘至於南贛之間汀漳雄韶諸山會焉連州跨境林谷茂密爲閩粵之奧區此五大門戶也外有事則處處堪虞而湖口尤爲咽喉內有事則路路可通而南贛實爲樞紐其指陳利害可云握要然此特就勝國之疆圉言之耳當日駐重臣於南贛而閩粵半隸版圖樹藩邸於南饒而瑞潯咸歸統馭形旣中分勢亦偏阻我

國家辨土分疆規方定制以南昌爲省會而以南贛爲南界居中

中央以運四維猶臂指之相使江省形勢至是始聯絡完固昔蕭何入關中收秦所藏圖書具知天下厄塞戶口多少強弱民所疾苦是知圖書之設自古重之於以審遠邇察夷險正疆界辨沿革風俗於是乎分政令於是乎成故有心經世者靡弗以是爲兢兢江西省郡州縣各有志志各有圖其體例一遵昔賢之舊然而陵谷之變遷川源之通塞民居之聚散名號之改移或數年一變或數十年一變今昔既已殊形則圖志所載胥陳言耳夫農夫之治田也必熟悉其畝畝之廣狹原隰之高卑地力之肥瘠審其土性所宜者而播植焉然後耕耘灌溉可以有秋爲治之道曷以異此我

皇上御極之三年命各直省督撫勘繪所隸境內輿圖前撫臣沈葆

楨商同司道遴委諳習地理之員分赴各郡廳州縣周行履勘

未及藏事遽以省親回籍臣劉坤一承乏斯土步武前規誠諭從事各員必躬必親慎終如始凡山川疆域城池制度村墟市鎮隘塞險要關於民生利病政治機宜者必詳慎臚列於舊圖之遺漏者補之舛錯者正之首尾四年計繪成省圖一府圖十有三直隸州圖一廳州縣圖七十有九除咨

部恭呈

乙覽外江省各衙署均存一分以備稽考惟各圖皆尺餘巨幅不便收藏且慮日引月長爲虫鼠風雨所剝蝕爰刪繁摘要繪成縮本刊訂成帙俾守土之吏一展卷而四境情形悉登几案因是以觀風察俗遠撫近馭於因地制宜之道未必無小補云書成因誌其緣起弁諸簡端

頭品頂戴兵部侍郎兼都察院右副都御史巡撫江西等處地

方兼理糧餉軍務兼提督銜碩勇巴圖魯臣劉坤一謹序

刊修江西輿圖職員

總裁

太子太僕寺學士兵部尚書兼都察院右都御史總督江南等處地方軍務兼理糧餉操江准鹽政等毅勇侯臣曾國藩

頭品頂戴兵部侍郎兼都察院右副都御史巡撫江西等處地方兼理軍務糧餉碩勇巴圖魯臣劉坤一

頭品頂戴前任江西巡撫福建船政大臣世襲一等輕車都尉臣沈葆楨

協裁

江西等處承宣布政使司布政使臣文輝

原任江西等處承宣布政使司布政使臣孫長綬

前署江西等處承宣布政使司布政使今任福建臺灣兵備道臣黎兆棠

署理江西等處提刑按察使司按察使記名簡放道臣王必達

前任江西等處提刑按察使司按察使今任四川布政使司布政使臣王德固

江西督糧道兼巡南撫建地方臣平步青

布政使銜前任江西督糧道兼巡南撫建地方瑚松額巴圖魯臣段起

鹽運使銜前署江西督糧道兼巡南撫建地方記名簡放道臣董似毅

前署江西督糧道兼巡南撫建地方補用道臣周溯賢

江西鹽法道兼巡瑞袁臨地方臣吳兆麟

前任江西鹽法道兼巡瑞袁臨地方臣吳集禧

鹽運使銜前署江西鹽法道兼巡瑞袁臨地方候補道臣聯福

提調

道銜署江西南昌府事撫州府知府臣許應鏐

陞用道前江西南昌府知府臣吳祖昌

補用道前任江西南昌府知府臣許本壩

道銜前署江西南昌府事南康府知府臣盛元

道銜江西補用知府臣楊照藜

江西候補知府臣鮑孝光

江西候補知府今署撫州府知府臣陳增

補用道江西候補知府臣陳喬樞

江西候補知府今補南安府知府臣楊鏞

分查

勘繪瑞州袁州臨江等府屬補用道候補知府臣陳喬樞

勘繪南昌九江南安贛州等府屬道銜補用知府臣楊照黎

勘繪南昌九江饒州等府屬候補知縣今任贛州府興國縣知縣臣李繼曾

勘繪南昌吉安九江南康等府屬候補知縣今任吉安府永甯縣知縣臣夏燮

勘繪撫州建昌廣信饒州等府屬試用知縣今任南康府都昌縣知縣臣狄學耕

勘繪饒州府屬即用知縣前任贛州府雩都縣知縣臣汪彥增

勘繪甯都州屬即用知縣臣蕭玉春

勘繪甯都州屬候補知縣臣何資深

勘繪南康府屬南康府教授傅寅

勘繪吉安南安贛州等府屬候補布政司理問臣顧長齡

勘繪南康府屬候補從九品臣秦序

勘繪南昌府屬樂安縣訓導臣朱

彙修兼繪圖校對

江西候補布政司理問臣顧長齡

校對兼監刊

布政司理問銜候選知縣新建縣監生臣蕭承芴

刊修江西輿圖

例言

一輿圖之設所以稽幅員之廣狹考山川之險易紀道里之遠
邇察隘塞之廢興使數千里形勢一開卷而瞭如指掌誠爲
治之要務也同治三年奉

旨

勘繪輿圖因派員周行各郡縣詳細履勘或古無而今有或昔盛

而今湮一一繪圖列說歷四年始克告成計府圖十有三直
隸州圖一各廳州縣圖七十有九懼其久而散佚因照原圖
稍爲刪節刊爲縮本裝訂成帙冀垂永久

一城池爲地方根本或居當適中或僻處一隅分觀則形其偏
合觀則握其要以及城垣之高卑廣狹地形之平衍險要創
置之初具有深意四至八道從此而生故列於篇首

一民以養兵兵以衛民宋元以來莫之或易

國家分防置汛棋布星羅猶臂指之相使雖因時制宜小有移易增減之處而大局則一仍其舊今俱按現在營制著於篇

一計里開方所以測量遠邇以村紀里所以標誌程途各縣散圖每方十里府圖每方三十里省圖每方九十里皆以經過之村坊市鎮爲區別由斯以察疆域之廣袤蓋較若列眉云

一四正四隅乃輿圖之綱領其地多係通衢要道爲往來之所必經今列其經由之村鎮與鄰境接壤之界址又總計其由城及邊之里數千里程途可一望而知亦行人之指南也

一旁途曲徑所在皆是而山川隘塞之處爲尤多雖不當孔道往往爲攻守之所必爭兵家所謂間道出奇之地也凡與鄰境相通之路皆詳著之附於四正四隅之後以備觀覽

一江省號稱水鄉大者可以通舟楫小者可以資灌溉皆民生之利病所繫也今以各巨流爲經而以沿途所受各水爲緯凡有關於水利者必詳載之至於一線細流時通時塞無關利弊者則從闕如

一江省山脉發自衡岳自大庾之西入首其正幹南行轉折而東由信豐之西境復蜿蜒南趨當龍南之西南迤邐以趨東北包大庾信豐龍南安遠諸縣自安遠縣城之南又東趨閩省爲閩境北鄙諸山直抵江省之廣豐起爲封禁山轉而北行由常玉山過峽爲皖南諸山至鄱湖之濱而止是爲江省右臂其支脉自大庾北行歷崇義上猶二縣當袁瑞二郡之西至甯州轉而東行抵匡廬而止是爲江省左臂其形廻環若箕而鄱湖巨浸正塞其口山之餘氣挺結大孤山以爲水

docsriver 文川网
入驻商家 古籍书城

在文川网搜索古籍书城 获取更多电子书

口之鎮省城東南各郡縣皆由幹龍分脉而來故水皆北注省城以西各郡縣皆由支龍分脉而來故水皆東流至幹龍以外之水則南赴粵省支龍以外之水皆西趨兩湖觀於水勢之分合其脉絡原自清晰也


一關塞要隘所以資守禦有在衝途者有在僻徑者併有在鄰境者亦有地勢平衍無險可守者均詳載圖說以備緩急之採擇究竟要隘之區沿邊多而內地少故詳於邊境而略於腹裏


一圖所不能繪則載於說說所不能詳則列於圖二者如輔車之相依不容偏廢古人左圖右史不惟究其理並欲察其形故立說皆有根據亦此義也

江西全省圖

見方九十里







江西省全境疆域圖說

一江西南昌府為省會南昌二縣附郭城制週圍廣三十餘里

穿城十里城樓七座空心駁臺五座堦口共一千七百八十

五個城上窩鋪四百十一間凡七門南曰進賢又南曰惠民

東南曰順化西南曰廣潤東曰永和西曰章江北曰德勝其

進賢順化四門隸南昌德勝永和三門隸新建

一江西全省兵制撫標城守三營九兩鎮贛州鎮標統轄十

八營九江鎮標統轄十六營撫標三營駐防省城所有將官

員弁馬戰守兵丁額數仍其舊並無添減至各營防守分汛

已詳載各府屬圖內

一江西共十三府一直隸州七十八廳州縣南昌府領縣七州

一撫州府領縣六建昌府領縣五瑞州府領縣三袁州府領

縣四 臨江府領縣四 吉安府領縣九廳一 南安府領縣四 贛

州府領縣八廳一 甯都州領縣二 廣信府領縣七 饒州府領

縣七 九江府領縣五 南康府領縣四至各縣交界處所犬牙

相錯已載各散圖內

一省西南驛路自章江門出城由烏山鋪一百里至高安縣又

南行由曲水鋪九十里至清江縣又南行由留田鋪七十里

至新淦縣又西南行由紫車鋪一百十里至峽江縣又南行

由分界鋪九十里至吉水縣又南行偏西由王岡橋四十五

里至廬陵縣又南行由甘露七十五里至泰和縣又西南迤

東山官橋頭一百十里至萬安縣又東南行由烏巖山一百

九十里至贛縣又西南行由五塚鋪四十五里至南康縣又

西南行由小溪城一百三十五里至大庾縣又南行二十五里至

大梅關 交廣東南雄州界自省城至此一千零八十五里爲
省境西南驛路至隣省之止界

一省北驛路自章江門出城過沙井渡西北行由豐安一百二

十里至建昌縣又北行由界牌鋪六十里至德安縣又北行

偏東由通遠驛一百二十里至德化縣又過江四十里至孔

壠鎮交湖北蘄州黃梅縣界自省至此三百四十里爲省北

驛路至鄰省之止界

按此二路乃江西入京入粵驛站孔道故置之前列若由

京入粵東卽自建昌向安義奉新而行並不由省經過圖

內點明以備查攷

又自德化過江小池口東北行七十五至橫壩頭右交安徽

安慶府宿松縣界左交湖北蘄州衛界

又自德化過龍開河西行九十里至瑞昌縣之馬頭交湖北

蘄州廣濟縣界自省至此三百九十里

又自德化東行由南湖汛六十里至湖口縣又東行由尖山

墩九十里至彭澤縣又四十里至嚮水磯交安徽池州府東

流縣界自省至此四百九十里以上三路亦為省境北陸路

至隣省之止界

一省東陸路自進賢門出城東南行由荏港一百二十里至進

賢縣又東行由潤溪一百四十里至餘干縣又東行由石榴

亭六十里至萬年縣又北行由樂萬亭九十三里至樂平縣

又東行由五家園一百二十里至德興縣又東行一百二十

五里至葉村交浙江衢州府開化縣界自省至此六百五十

八里為省境東至鄰省之止界

一省西陸路自距省一百里之高安縣西行偏南由灰埠一百

里至上高縣又北行偏西由清水鋪四十里至新昌縣又西

北行由土地壩一百二十里至銅鼓營城又西南行六十五

里至血樹壩交湖南長沙府瀏陽縣界自省至此四百二十

五里為省境西至鄰省之止界

一省南陸路由距省八百八十里之贛縣南行由壩頭鋪一百

六十里至信豐縣又南行由蛇子嶼一百九十里至龍南縣

又西行由觀音閣城一百六十里至分水壩交廣東南雄州

始興縣界自省至此一千三百九十里

又自龍南縣南行八十里至小武當山交廣東連平州界自

省至此一千三百十里

又自龍南之觀音閣城南行一百里至冬桃嶺交廣東韶州

府翁源縣界自省至此一千三百二十六里

又自贛縣分路東行由三門灘一百五十里至粵都縣又東

行由萬田一百五十里至瑞金縣又東南行六十里至江西

均交福建汀州府長汀縣界自省至此一千二百四十里

又自距省一千零四十里之信豐縣東行由涼傘嶺一百七

十里至安遠縣又東行由太陽關一百十里至長甯縣又東

南行七十里至牛挨石交廣東嘉應州平遠縣界自省至此

一千三百九十里

又自距省一千二百三十里之龍南縣東南行由佛子均八

十里至定南縣又南行三里至三巖沙交廣東惠州府和平

縣界自省至此一千三百十三里

又自距省一百二十里之進賢縣南行由白家墟九十里至

臨川縣

又東南行由許灣一百三十里至金谿縣又南行由

李公嶺

一百里至南城縣又南行由大樂一百二十里至南

豐縣

又南行由白舍墟一百十五里至廣昌縣又東行五十

里至茱萸隘交福建邵武府建甯縣界自省至此七百二十

五里

又自廣昌縣西行迤南由秀嶺隘二百四十里至甯都州又

東南行由新墟一百十里至石城縣又東南行二十五里至

站頭腦交福建汀州府甯化縣界自省至此共一千零五十

里以上七路亦為省境南至鄰省之止界

一省東南陸路自距省一百八十里進賢縣之潤溪分路正南

行六十里至東鄉縣又東行由白圩七十里至安仁縣又東

南行由界山八十里至貴溪縣又東行由篠箬嶺六十里至

docsriver 文川网
入驻商家 古籍书城

在文川网搜索古籍书城 获取更多电子书

弋陽縣 又東行由 上坂 六十里至 興安縣 又北行折而南由

黃源八十五里至 上饒縣 又東由 沙溪 一百里至 玉山縣 又

東北行四十里至 屏風關 交浙江衢州府常山縣界自省至

此七百三十五里為省境東南至鄰省之止界

又自距省六百里之 上饒縣 東南行由 界牌亭 五十五里至

廣豐縣 又一百八十里至 橫陵山 交福建建甯府浦城縣界

自省至此八百三十五里

又自距省四百五十里之 弋陽縣 東南行由 水南 九十里至

鉛山縣 又八十里至 分水關 交福建建甯府崇安縣界自省

至此六百二十里

又自距省三百九十五里之 貴溪縣 南行一百三十三里至

山頭關 交福建邵武府光澤縣界自省至此五百二十八里

又自距省六百九十五里之玉山縣北行一百二十里至化
身臺交浙江衢州府開化縣界自省至此八百十五里以上
四路亦為省東南至鄰省之止界

一省西南陸路自西南驛路距省一百九十里之清江縣分路

西行由羅坊司一百二十里至新喻縣又西行由界首鋪七

十里至分宜縣又西行由彬江鋪八十里至宜春縣又西行

由分界鋪一百四十里至萍鄉縣又六十里至揀嶺關交湖

南長沙府醴陵縣界自省至此六百六十里為省境西南至

鄰省之止界

又自距省四百六十五里之宜春縣北行由八角亭九十里

至萬載縣又一百零五里至棧樹嶺交湖南長沙府瀏陽縣

界自省至此六百六十里